

11/06/1998

Perjanjian baru pekerja ladang dibincang

KUALA LUMPUR, Rabu - Rundingan bagi Perjanjian Bersama yang baru antara pekerja ladang dan Persatuan Pengeluar Pertanian Malaysia (Mapa) akan bermula sebelum akhir bulan ini, kata Setiausaha Eksekutif Kesatuan Kebangsaan Pekerja Ladang (NUPW) A Navamukundan.

Katanya, NUPW akan menyerahkan beberapa cadangan Mapa untuk struktur gaji yang baru dan perkara lain yang berkaitan dengan kebajikan pekerja ladang.

"Satu draf perjanjian bersama mengenai kadar gaji dan faedah sampingan telah digariskan dan akan dikemukakan pada perundingan itu," katanya.

Dalam perkembangan yang berkaitan, sekumpulan kira-kira 100 orang berhimpun di luar pintu masuk ke Jabatan Perdana Menteri di sini hari ini untuk menyerahkan sepucuk surat yang memohon untuk mengadakan pertemuan dengan Perdana Menteri Datuk Seri Dr Mahathir Mohamad.

Anggota kumpulan itu mendakwa mereka adalah anggota jawatankuasa pekerja ladang tetapi Navamukundan ketika dihubungi mengenai perhimpunan itu berkata, NUPW tidak terbabit dengan perkara itu.

(END)